



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXII.

urn:nbn:de:hbz:466:1-11453

pes mandauerunt Hartwico per scripta, vt reuocaret in memoriā omnes pressuras, quibus attriuisset eum dux: nunc venisse tempus, quo possit auxilio principum recuperare statum honoris sui: patere sibi urbem Stadiū, & ereptum comitatū, iam principum armis facile recuperandum. Hartwicus autem archiepiscopus, multis experimētis edoctus, fortunatū semper esse in pralijs ducem, ambigūā quoq; principibus inesse fidē, & se huiusmodi sponsonibus semper delusum, fluctuare cœpit animo: Prouocabat eum recuperandi honoris cupido: sed deterrebat sepē comperta mobilitas animorum, tam in sublimibus, quā subiectis: Hærebat interīm superficies amicitiarum, & pax sonabat in verbis: veruntamen arces suas Horeburg & Friburg communire cœpit archiepiscopus, & congesit in eas apparatus armorum & escarum, qui sufficeret in menses & annos.

CAPVT XXII.

ERat annus post natū Christum MCLXVII. cū apud archiepiscopū moraretur Conradus episcopus Lubicensis, frater Geroldi iam defuncti: cuius tempore Henricus sedem ex Aldenburgo Lubicam transferebat: quod diximus in Swandalia. Iste Conradus pridem abbas in Reddageshusen, fauore ducis post fratrem peruenit ad eum pontificatum: Delatus est duci, quod concitator esset apud archiepiscopum, suadens, vt accederet ille ad communionem principum duci aduersantium: Super quare euocatus ab duce in Erteneborg, legationis in Phrisiam specie declinauit. Postea tamen interposita fide publica per Hartwicum archiepiscopum, cū etiam verbo suo illum firmaret Berno Magnopolitanus episcopus, adiit ducem Stadio manentē: ibi dux exprobrabat quæ diceretur cōperisse: Esse illū plurimorū opinio-

opinionem incitatore[m] Hartwici, vt accederet coniurati-
 in se principibus. Cū[m]que ille se eius culpa[m] affine[m] perne-
 garet, facile dux grauis viri verbis fidem habens, suspi-
 cionem posuit: Sed poposcit, vt de ecclesia sua pradi-
 ducem recognoscens, hominum illi praestaret, ex Impera-
 toris nup̄ in se indulto: Ibi vir animo liber expege-
 factus, ait: Modica esse ecclesiae suae stipendia, & tam
 angusta, vt pro illis nullius dominio suam obstringeret
 libertatem. Dux ad ea: Quandoquidem superioris ius
 contemnitur, iuste aditus in praedia negatur: Iubeat er-
 go iter intercludi pontifici in ecclesiam suam: Ille apud
 Hartwicum archiepiscopum coepit mansitare. Sed ille
 veritus ne Lubicensis episcopi causa suam aggrauatam
 oneraret: Arbitror, inquit, frater episcope, nos vna sine
 perniciē manere nō posse: cognitum est, qua sit dux pra-
 ditus potestate, qua in aduersantes acrimonia: proderit
 rebus nostris sub Wichmanni archiepiscopi Magdebur-
 gensis vmbra latere: eō si contenderis, ex constituto con-
 sequar, vt securi vel ibi consistamus. Conradus, adita
 primū Francia, reconciliari Alexandro summo ponti-
 fici curauit, quod de manu Henrici, qui Friderico in
 Papam adherere videbatur, pontificatum acceperat.
 Reperit Papiensem episcopum in ea parte legatum: qui
 venientem in concilium Cisterciense suscepit, reconcili-
 auit, & praebito tempore indixit, vt vel in persona, vel
 per idoneum nuncium, adiret summum pontificem: In-
 dē rediens Conradus, recto itinere profectus est Magde-
 burgum: ibiq[ue] reperit ante se archiepiscopum suum.

CAPVT XXIII.

Quo tempore milites Hartwici archiepiscopi ex
 arcibus Horeburg & Friburg, eruptiones fecer-
 re more militari, in vicinas ducis prouincias: qui-
 bus